

l a w , sinen vater vnd D o r o t h e e n , siner muter, in eyner sunderunge komen sint von den 70 margken, die sie by iren lebetagen vf der stat gehabt haben, die zu vnser abelosunge stehin sollin also gewonlichin ist. Der zcinß sal im gefallin halb vf Michaelis vnd halb vf Walpurgis. Testes iudex Merten Phol, scabini Bartusch Franczk, Hannus Friberg etc. 1451, feria quinta ante Galli. (14. Okt.) (gelöscht)

Wir burgermeister vnd ratmanne, die ieczd sin ader in kunftign zcyten werden, bekennen, daz wir recht vnd redelich A n d r e ß C u d e w a n vnd M a r g a r e t h e n , siner husfrauen vnd iren erben vorkouft haben vf vnser stat rente 2 mr gr jerlichis zcinß vf eynen widerkouf zuuorzinszen also gewonlichen ist, halb wf Michaelis vnd halb vf Walpurgis, vnd die im von sunderunge mogin noch tode A l e x y e n S c h e d l a w , Margarethen vater, vnd Dorotheen, ir muter, an den 70 margken, die sie hie zuor vf dem rathuß gehabt haben. Testes iudex Merten Phol, scabini Peter Molner, Hannus Friberg etc. Anno Domini 1451, feria quinta ante Galli. (14. Okt.)

(gelöscht)

Wir burgermeister vnd ratmanne, die ieczd sin ader in kunftigen zcyten werdin, bekennen, daz wir G e o r g i e n R e i n h a r d i , M a r g a r e t h e n , siner elichin hwßfrauen, vnd sinen erben recht vnd redelich vorkouft haben eyne marg gr jerlichis zcinß vf vnser stat rente vf eynen widerkouf, die en auch als von den 70 margken, die A l e x i e n S c h e d l a w gewest sint, von A n d r e a n C u d e w a n vnd M a r g a r e t h e n , siner hvsfrauen, ankomen sint. Testes iudex Merten Phol, scabini Bartusch Franczk, Hannus Friberg. Anno Domini 1451, feria quinta ante Galli. (14. Okt.) (gelöscht)

## S

### 67b

S t e p h f f a n K y s e l i c z hat vorsaczt alle seyne gutter, varnde vnd vnvarnde, Nickil, Petir Gromans sone, vor 5 mr gr. Des sint geczewge Jenchin vom Spone richter, Hans Czeiseler vnd Nicclas Weissinburg schepphin. Anno Domini 1425, quarta feria ante Natiuitatis Marie. (5. Sept.)

S t a n i s l a u s Z c a n hat verschribin sin hwß, gelegin in der Brudergasse, vnd alle syne guter, farnde vnd vnfarnde, K e t s c h i n , Peterchin der lutinsloeryn vor fumf mr gr vf eynen widerkouf, douonne zu zinszen also gewonlichin ist, vnd noch tode Ketczin so sal solich zcinß vnd hauptgut an die stat komen vnd ge-